


Kapitalbeteiligung der Arbeiter

Wie in der letzten "forum"-Nummer versprochen drucken wir hier die Intervention von Herrn Joseph Jacoby auf der Synodalversammlung vom 18.6.1977 ab. Sie scheint uns insbesondere interessant, weil sie, ungewollt, sehr deutlich den ideologischen Charakter der sogenannten Katholischen Soziallehre offenbart.

(...) "Mir hun et hei tatsächlech matt engem Mëssverständnis ze din. Den Här Thomé huet gesot, d'Fuerderung no Eegentum vun deene kleng Leut - nët nëmmen vun den Aarbechter, och vun de kleng Mëttelständler - no Produktiungsgüter, déi Fuerderung géif vu kenger Gewerkschaft erhuewe gin ausser vun de kommunisteschen. 'T as awer elo jhust ëmgedreit; déi Fuerderung gët jhust nuren vun de kommunistesche Gewerkschaft bekämpft, nët nëmme vun de kommunistesche, sondern och vun deenen, déi eng marxistesche Schlagsäit hun. Déi Fuerderung steet am Grondsatzprogramm vum LCGB, seit ville Joren, si stong am Wahlprogramm, matt deem d'CSV an déi läscht Wahle gaangen as. Et as eng Fuerderung vun der DGB-Gewerkschaft. Innerhalb vun där Gewerkschaft gët et ee Flügel, dee marxistesche Schlagsäit huet an deen as dergéint, an esou as et an alle Gewerkschaften. D'Gewerkschaften, déi sin do gedeelter Meinung. Déi, déi eng kommunistesche Welt wëlle bauen, déi si jo drop aus, fir dass déi, déi besteet, fir d'eischt muss zerstéiert gin, an si gesin an der Bedeelegung vun den Arbeitnehmer um Produktiounskapital eng Method, fir d'Aarbechter méi zufriedden ze man, an da wëneger ufälleg fir kollektivistesche, sozialistesche Iddien oder marxistesche Iddien.

Déi Fuerderung, as eng Grondfuerderung vun der Sozialléier vun der Kiirch, jo si as ëmmer an ëmmer nees widerhuelen gin, si as an der läschter Zäit ganz aktuell gin, doduerch datt Wirtschaftskreesser, déi sech ausdrécklech als liberal bezeechen hun, duerfir agetruede sin, sou datt elo endlech nees dee Problem do soll opgegraff gin. Si féiren déi jëtze Krisis zum gudden Deel drop zrëck, datt ze laang gezéckt gin as, fir déi Fuerderung ze réaliséieren. Si gesin doran keng méi direkt Aarbechterfuerderung, sondern et as fir si eng Fuerderung fir méi Investitiounskapital an d'Wirtschaft ze kréien; si denken doduerch den iwerflësseg an de Prestigekonsum zrëckzedrécken, doduerch datt d'Arbeitnehmer ugeléiert gin, ugespornt gin, méi Geld



ze spueren a bereet ze sin, dat an e Risikokapital unzeleën. Dat géif also d'Investitiounen vun der Wirtschaft verbessern an et gëng hëllefen, d'Krisis iwerwannen. (...) Dat hei soll justement en Haaptmëttel sin, fir der Kollektiviséierung viirzebeugen, an duerfir mengen ech och, hätt den Här Thomé Onrecht, wann e mengt, dat kënnt een héchstens als Fernziel huelen; dat as en urgent Ziel, fir déi kollektivistesche Trenden ëmzebëien; an et gët och, grad an deene läschte Joren, ëmmer als prioritäert Ziel durgestallt.

An der Schwäizer Synod as dat och festgehalte gin. Ech liesen hei vir, et as vun der Synod Chur: 'Für die gerechte Verteilung des wachsenden Sozialproduktes ist es wesentlich, aus welchen Quellen die Kapitalversorgung gespeist wird. Ein grosser Teil der Kapitalbildung erfolgt heute durch Selbstfinanzierung der Unternehmer; das heisst, ohne dass dadurch Lohnempfänger einen entsprechenden Anteil an Eigentum der entstehenden Vermögenswerte erhielten. Diese einseitige Beanspruchung des Resultates aus dem Zusammenwirken von Belegschaft, Unternehmer und Kapitalgebern, widerspricht den aktuellen Gerechtigkeitsvorstellungen und benachteiligt die Arbeitnehmerschaft. Es ist darum eine mehr als bloss symbolische, sondern tatsaechliche wirtschaftlich ins Gewicht fallende Bildung von Produktionsmitteleigentum in Arbeitnehmerhand anzustreben.'

(...) D'Humanisierung vun der Aarbechtswelt, Matbestëmmung un der Aarbechtsplaz as e ganz anert Gebitt an dat soll ee gur nët an d'Debatt féiren fir dee Sektor vun der Beteiligung um Produktivvermögen. (...) D'Beteiligung um Produktivvermögen (...) as och ee Punkt, wou d'Aarbechter d'accord sin matt fortschrëttlechen Arbeitgebern, z.B. de Verband vun de kathouleschen Arbeitgeber. (...) Deen huet sech x-mol fir déi Iddien ausgesprach, och zum Deel réaliséiert an hire Betriber an si insistéiren d'lescht Joer nach op hirer Bundeskonferenz, datt soll, wirklech, ganz urgent dorop gedrängt gin. (...) Projets'en, déi bestin, wëlle nët nëmmen d'Aarbechter um Produktivvermögen bedeelegen, sondern och déi kleng Selbständeg, bref all Leit, an dat sin 95% an alle Länner, déi bis elo nët um Produktivvermögen bedeelegt waren, sollen dru bedeelegt gin."